

ՆՅՈՒԹԵՐ ՊԵՐՃ ՊԵՐՇՅԱՆԻ ԿԵՆՍԱԳՐՈՒԹՅԱՆ ՀԱՄԱՐ

Պ. 2. ՀԱՎՈՐՅԱՆ

Բանասիրական գիտությունների դոկտոր

Ստորև հրատարակվող նյութերը տարիներ առաջ հայտարարված են Մատենադարանի վավերագրերի բաժնում (Կաթողիկոսական դիվան, թղթապանակ 209, գործ 15, վավերագիր 65) և լենինգրադի մարզի պետական պատմական դիվանում (հավաքածու № 1754, ցուցակ 1, գործ 1014, թերթեր 5ա-բ, 10—11ա, 24ա-բ) և գալիս են լրացնելու հայ ականավոր գրողի տաղանդներով հարուստ կյանքի տարեգրության բաց մնացած էջերը:

Նամակներից առաջինը, որը գրության ժամանակով էլ ամենահինն է, ցուցադրում է Պոռշյանի անսպառ հետաքրքրությունը հայրենի հեռությունների նկատմամբ:

Հաջորդ երեք նամակները նվիրված են միևնույն խնդրին: Դրանցում ունկնդիր ենք լինում հայ գրականության վաստակաշատ մշակի սրտակեղծք աղերսանքներին, արված ազգային հաստատություններից մեկին՝ ս. Պետերբուրգի հայոց եկեղեցական խորհրդին, գավակների կրթությունը կանոնավոր հունի մեջ դնելու համար նյութական միջոցներ ձեռք բերելու ակնկալիքով, որպեսզի գեթ մասամբ կարողանար կատարած լինել որդիների հանդեպ իր հայրական պարտքը:

Հիշյալ նամակները ցնցող վավերագրեր են և ողջ մերկույթյամբ ի ցույց են հանում իր գրական ու հանրային գործունեության ժամանակամիջոցում մտավոր ու մարմնական ուժերն առանց մեղադրի ազդին նվիրած և դաժան իրականության պատճառով անսպասելի մնացած տաղանդավոր գրողի ողբերգական կացությունը:

Որովհետև այդ նամակների զխավոր առանցքը Պոռշյանի ավագ որդու՝ Պոռշ Պոռշյանի (1883—1918) և կրտսեր դստեր՝ Շուշանիկի ուսման հարցն է, նկատենք, որ Շուշանիկին այնպես էլ չհաջողվեց բժշկական մասնագիտություն ձեռք բերել: Հետագայում նա ստիպված էր պարապել մանկավարժությամբ, իսկ Պոռշ Պոռշյանը դեռ ուսանողական տարիներից կլանվեց Ռուսաստանի քաղաքական կյանքով, սոցիալիզմի ու հեղափոխության գաղափարներով, աքսորվեց Սիրիի, եղավ վտարանդի, ավելի ուշ դարձավ ձախ-էսեռների պարագլուխներից մեկը, իսկ Հոկտեմբերի հաղթանակից հետո անցավ Սովետական Ռուսաստանի կողմը և Վ. Ի. Լենինի զխավորած ժողկոմխորհի մեջ հանձն առավ փոստի և հեռագրի ժողկոմի, նաև բարձրագույն ուսման կոմիտեի կոմիսարի պատասխանատու պաշտոնները:

Նրա մահվան առիթով է Վ. Ի. Լենինը «Պրավդայի» 1918 թ. դեկտեմբերի 20-ի համարում գրել. «Պոռշյանն անմիջապես աչքի էր ընկնում հեղափոխության և սոցիալիզմի նկատմամբ խոր նվիրվածությամբ: Բոլոր ձախ-էսեռների մասին չէ, որ կարելի էր ասել, թե նրանք սոցիալիստներ են, նույնիսկ, թերևս, նրանց մեծամասնության մասին այդ չէր կարելի ասել: Բայց Պոռշյանի մասին այդ պետք էր ասել, որովհետև, չնայած նրա հավատարմությանը ռուս նարոդնիկների գաղափարախոսությանը, ո՛չ-սոցիալիստական գաղափարախոսությանը, ի դեմս Պոռշյանի երևում էր խորապես համոզված սոցիալիստը, Այդ մարդը յուրովի, ո՛չ թե մարքսիզմի միջոցով, ո՛չ թե սյուրիստիկատի դասակարգային պայքարի գաղափարներից, դարձավ սոցիալիստ...» (Վ. Ի. Լենին. Երկեր, հ. 36, էջ 578):

Հինգերորդ գրությունը (քաղված է նույն դիվանի նույն գործից, թ. 25) Պոռշյանի մահը գուժող մի հնորյա վավերագիր է և մեջտեղ է հանում ճակատագրի մի տխուր խաղ: Զգիտես ինչով բացատրել, որ այն խորհուրդը, որը երկու տարի առաջ մերժում էր պատկառելի վիպասանի համեստ խնդիրը, հիմա նրա գերեզմանին թանկարժեք պսակ դնելու հանձնարարություն էր տալիս:

Վերջին նամակը ամբողջական վիճակով գոյություն չունի: Այն մենք վերականգնել ենք ըստ Ն. Տեր-Վարապետյանի «Խաչատուր Աբովյան» գրքի տարբեր էջերում մեջ բերված քաղվածքների, որոնք առանձին վերցրած՝ խիստ ուշագրավ են և լրացնում են և հայ մեծ լուսավորչի մասին Պոռշյանի թողած հուշագրական դրվագները:

1ա

**ՆՈՐԻՆ ՎԵՀԱՓԱՌՈՒԹԵԱՆ ՏԵԱՌՆ ՏԵԱՌՆ ԳԷՈՐԳԱՅ ՍՐԲԱԶՆԱԳՈՅՆ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՅ**

Ի պաշտօնակատարէ բնական վերատեսչին Երեւնայ և Կաթոց

ԱՄԵՆԱԿՈՆԱՐՀ ՅԱՅՏԱՐԱՐՈՒԹԻՒՆ

Ի շրջագայելն իմ պաշտօնական գործով ի վիճակին Սուրմալուոյ՝ գտի ի գեղջն Թէշիրլու յարկեզ աւետարանի միոյ զփոքրիկ զայս սրուակ խաւար-ապակեայ հնադարեան, զոր ընդ այսմ պատիւ ունիմ մատուցանել յոտսդ Վեհափառութեանդ, որպէս իր արժանայիշատակ, յոր, որպէս ես կարծեմ, նախնիք մեր յանդրքրիստոնէական դարս հեղուին զարտօսը աշաց և ամրապնդեալ զբերանն՝ իբրև ի նշան եռանդագին սիրոյ՝ Թաղէին ընդ մերձաւոր ննջեցեալս իւրեանց:

Եթէ ճշմարտանման թուիցին կարծիք իմ, ապա լաւ էր, զի սրբազնասուրբ Հայրդ պատուէր հրամանի տայիք դնել ի Թանգարանին հիմնեցելոյ ի մեծագործ Տեառնէդ յապագայ յետախուզութիւն հնասիրուց:

ՊԵՐՃ ՊՈՒՇԵԱՆՅ

№ 845, ի 25-ն մարտի, 1882 ամի

Ի Վաղարշապատ

<Մակագրութիւն> Ստացեալ յ30-ն մարտի 1882

ձա

Ս. ՊԵՏԵՐՐՈՒՐԳԻ ՀԱՅՈՅ ԵԿԵՂԵՑԱԿԱՆ ՊԱՏԿԱՌԵԼԻ ԽՈՐՀՐԴԻՆ՝

Երկու ամիս և կես անց է հաւա, որ ես խորհրդիդ վերջնական տնօրենութեան համաձայն երկու զավակներս ապահովութիւնը խորհրդիդ շնորհիվ վախճանապես տնօրինված համարելով, ստացա վարչութիւնիցդ ինձ համար որոշած 300 ռուբլի ճանապարհածախքը և ուղևորվեցի Թիֆլիս:

Սակայն ի մեծ ցավ սրտիս, ինչպես դատեալս և տղայիս գրութիւններից երևում է, նոցանից ոչ մինը և ոչ մյուսը ցարդ ոչինչ չեն ստացել խորհրդիդ իրանց համար որոշած ամսահասուլթից:

ձբ

Բարվոք էր, որ հեռատես չտնվելով՝ ստացածս ճանապարհածախքից ըստ կարելույն բաժին հանեցի մեկին և մյուսին, այլապես՝ տղայիս անհիւար պիտի լիներ նոր նախիջևանից որոշած 20 ռուբլի ամսականով սնունդ, բնակարան ունենալ: Թողում ասել համալսարանի երկրորդ կիսամյակի վճարը, որ մինչև օրս չէ վճարած, իսկ դատեալս պիտի վիճակվեր փողոցում մնալ անտեր ու անխնամ, արտաքսվելով միանգամայն ուսումնառութիւնից, եթե տիկին Վոնգլը շնորհ չաներ մինչև այսօր սպասելու:

Խոնարհաբար խնդրում եմ պատկառելի խորհրդիդ վազընդփուլթ և անհետաձգելի տնօրենութիւնը, մինչ դեռ ուշ չէ:

ձգ

Մեծապես պարտավորած կլինեիք, եթե միութարական հեռագրով ծերութիւնս ամոքեիք:

ՊԵՐՃ ՊՈՒՇԵԱՆՅ

Հասցես. Թիֆլիս, Вознесенская. 19.

<1904, փետրվար>

<Մակագրություններ>

Պոռտյանց Պոռտ, Հայոց եկեղեցիների հորհուրդ Ս. Պետերբուրգում, Ստացվել է՝ 21 փետրվարի 1904 թ., № 155: Զեկ-ցվել է՝ մարտի 2-ին: Տեղեկանք. Որդուն <զրամ է> ուղարկված Օդեսա՝ ուսման իրավունքի և թոշակի համար, ս. թ. հունվար 1-ից մինչև հուլիսի 1-ը՝ Գրադիր՝ Շաավադյան:

10ա

8-ն օգոստոսի 1904, Մեծ-Ղաբաֆիլիսա

ՄեծԱՐԳՈ ԵԿԵՂԵՑԱԿԱՆ ԽՈՐՀՐԴԻՆ Ս. ՊԵՏԵՐԲՈՒՐԳԻ

Անցյալ նոյեմբերին, ուշ լինելու պատճառով իմ դստերս՝ Շուշանիկ Պոռտյանցին, կանանց բժշկական ինստիտուտում չընդունելու առթիվ, չհաջողվեց նմանապես, իբրև հաստատուն աշակերտուհի, շարունակելու և ատամնաբուժական դպրոցում, ուստի սա ստիպվեց մինչև ներկա ուսումնական տարվա սկիզբը վերադառնալ տուն, և գոյով որդեգրուհի հորհրդիդ, վարչությանդ հաճությամբ յոթանասուն և հինգ ռուբլի որոշած ճանապարհածախքից 30 ռուբլի ստանալ տուն վերադառնալու, իսկ մնացած 25 ռուբլին թողնելու՝ Պետերբուրգ վերադարձի համար:

Եվ որովհետև մոտ են դպրոցներ մտնելու օրերը, խոնարհաբար խնդրում եմ պատկառելի խորհրդիդ բարեհաճել հեռագրով փութացնելու ըստ ներքո նշանակյալ հասցեի մնացած 25 ռուբլին, որպեսզի աղջիկս ուշանալով չըզրկվի անցյալ տարվա պես ուսումից:

ՊԵՐՃ ՊՈՒՇՅԱՆՑ

Հասցես. Кавказ, Больше Караклис
Перчу Прошяну
д. Вано Егшатова

11ա <Մակագրություններ>

Հայոց եկեղեցիների հորհուրդ Ս. Պետերբուրգում, Ստացվել է՝ 14 օգոստոսի 1904 թ.: Զեկ-ցվել է՝ 28/29 օգոստոսի: Որոշվել է՝ Առաքել, Տեղեկանք. հորհրդի 1904 թվականի մարտի 2-ի որոշման մեջ ասված է. «Շուշանիկ Պոռտյանցին տալ 50 ռուբ. ճանապարհածախս՝ դեպի Տփղիս, իրավունք վերապահելով նրան թոշակից օգտվելու 1904 թ. սեպտեմբերից և այն դեպքում, եթե նա մտնի բժշկական ինստիտուտ: Վերադառնալու համար նրան կարելի կլինի տալ 25 ռուբլի Գրադիր՝ Շաավադյան:

4

24ա ՍԱՆԿՏ ՊԵՏԵՐԲՈՒՐԳԻ ՀԱՅ ԵԿԵՂԵՑԱԿԱՆ ՊԱՏԿԱՌԵԼԻ ԽՈՐՀՐԴԻՆ
ՎՇՏԱԿՈՄ ՊԵՐՃ ՊՈՒՇՅԱՆՑԻՑ

Խնդիր

Իմ դուստր Շուշանիկը երկու տարի է համարվում է հորհրդիդ թոշակառու-որդեգրուհի, սակայն աննպաստ հանգամանքները, գուցե և թյուրիմացությունները արգելք հանդիսացան սրա կանոնավոր ուսմանը: Առաջին տարին Վոնդլի ատամնաբուժական դպրոցի երկրորդ կիսամեկի վարձը չհատուցվելը ստիպեց սրան թողնել ուսումը և հորհրդիցդ յոթա-

նասուն և հինգ ռուբլի երթևեկության ճանապարհածախք ստանալ և տուն վերադառնալ, երկրորդ ուսումնական տարվա սկզբից ուսումը կանոնավորապես շարունակելու մտադրությամբ:

Դժբախտաբար այդ չհաջողվեց, Վոնգլի դպրոցը յուր վեցամսյա վճարքը չստանալու համար սեպտեմբերին նորից շնորհակց աղջկանս, զանազան բարձրագույն կուրսերի դռներ փակվեցան առաջին, արտասահման գնալու սրա տված խնդիրը հորհրդիդ կողմից մերժվեց, այնինչ, կարծեմ, առաջին օրինակը չէր լինելու, և խեղճ դուստրս երկու և կես ամիս անապաստան, անխնամ և անգործ թափառելուց հետո Ռուսիայի հեռավոր մայրաքաղաքում, նոյեմբերի կեսից միայն մեծ դժվարությամբ մուտք գտավ Պաշուտինի ատամնաբուժական դպրոցում և նույն ամսի 20-ից սկսեց ստանալ հորհրդիցդ որոշված 25 ռուբլի ամսական հասույթը:

Անհաջողությունը և այդքանը շատ համարեց. անբախտ դստերս մահամերձ մոր վերջին օրհնությանն արժանանալու բնական փափագը՝ մեռնողի ցանկությամբ՝ փետրվարի կեսին շտապեցրեց սրան տուն, բայց, ավա՜ղ, խղճուկս մոր սառը դիակը համբուրելով միայն շատացավ³:

Հետևաբար և այս տարի դուստրս զրկվեց ուսումից. երկու ամիս ու կես միայն պարապելով՝ անկարելի էր ողջ տարվան քննությունը տալ:

Խոնարհաբար խնդրեմ պատկառելի հորհրդիցդ հարգել Շուշանիկ դստերս անցյալ 1904 թվի աշնանը հորհրդիդ մատուցած և մերժված խնդիրը, սրա ապրուստի համար հատկացրած տարեկան 300 ռուբլի դու-
24ր մարին ավելացնել ուսման վարձի համար որոշված երկու հարյուր ռուբլին և հինգ հարյուր ռուբլի տարեկանով ապահովացնել արտասահմանում Զվիցերիայի Բերն քաղաքում Շուշանիկ դստերս բժշկականության ուսումը և ապրուստը:

Հուսամ, թե պատկառելի հորհուրդդ չի մերժել հիսուն բոլորակ տարիներ հայ գրականության և մանկավարժության ասպարիզում կյանք մաշած և ծերության օրերում անապաստան բարձիթողի լքված, վշտաբեկ հոր խոնարհ խնդիրը, փութացնելով սրա որոշումը, շտապելու և ամառս լեզուներով պարապելու ու սեպտեմբերին համալսարան մտնելու համար:

Վշտացյալ ՊԵՐՃ ՊՌՈՇԱՆՑ

10 մարտի 1905

Ք ի Ֆ լ ի ս

<Մակագրություններ>

Հայոց եկեղեցիների խորհուրդ ս. Պետերբուրգում: Ստացվել է՝ 18 մարտի 1905 թ., № 267: Զեկուցվել է՝ 23/24 մարտի. հեռագրվել է, Զեկուցվել է՝ 30 մարտի 1905 թ.: Ձայների մեծամասնությամբ մերժվել: Մասնավոր կարգով խնդրել հորհրդի անդամ Աղոնցին՝ պատասխանելու⁴:

25ա 25 ноября 1907 г., 5 ч. 55 м. Тифлис, № 13665

Петербург

Армянский церковный совет, копия: Адонцу

Спросить Невский 42

Прошян скончался⁵, похороны в воскресенье второго декабря

Распорядительный комитет

Адрес: Нерсисян семинария

Пометы: Совет армянских церквей в Петербурге.

Получено 27 ноября 1907 г., № 776.

28/IX: Просить Ал. Мелик-Азарьянца, быть представителем и поручить возложить венки до пятидесяти рублей.

(Подпись)

Հատվածներ Պերճ Պոռշյանի՝ Ն. Տեր-Կարապետյանին ուղղված նամակից՝

<1893—1894 թթ.>

- 109 ...Որքան հիշում եմ Աբովյանցը միշին հասակով, սպիտակադեմ գեղեցիկ մի երիտասարդ էր, նմանվում էր յուր Վարդանին, բայց ոչ նրա պես հաստ և գեր (շատ էլ հաստ չէ<ր>). շատ դյուրաշարժ և ճարպիկ էր, սրախոս էր և քաղցրաբարո:
- 88 Դիպվածով թե գերմանացիների հետ մոտ լինելու հարգելի պատճառով նա բնակվելիս է եղել «Նեմեցի կոլոնիա» կոչված թաղումը, ինչպես երևում է այստեղ է ժանոթացել իր գերմանուհի կնոջ հետ և ամուսնացել:
- 96 Նրա քաղցր վարմունքի և ջերմ ազգասիրության համար խոսում են Թիֆլիզում ունեցած իր մասնավոր դպրոցի աշակերտները, մի (հայագետ) վրացի գնդապետ Բագրատձե շատ քաղցր հիշողություներ է պահել Աբովյանին աշակերտած ժամանակից. նրա ասությամբ աշակերտներ չեն եղել իրենք, այլ սիրելի. զավակներ, լավ օրերին ճաշերից հետո միշտ տանում է եղել դաշտ զբոսանքի. Բագրատձեն չի մոռանում այն գրկախառնությունը, որ ունեցել են բոլոր աշակերտներն իրենց սիրելի ուսուցչի հետ՝ Թիֆլիզից Երևան պաշտոնով հրաժեշտ տալու օրը. բոլոր աշակերտները մի քանի վերստ ուղի են դրել Աբովյանին:
- 114 Աբովյանի անհայտանալու մասին զանազան ենթադրություններ կան, ոմանք քաղաքական միտումների են վերագրում, այլք թուրքերի վրիժառության հետևանք են ասում, իբրև թե պարսիկ խաների կանանց հետ ունեցած հարաբերության համար, նրանցից խեղդվել և անհայտացել է... Ասում են, որ գլխարկը, կոշիկի մի հատը, սերթուկը գտել են Զանդուի ափին. բայց այս ամենը բերանացի տարածված լուրեր են, հաստատ ոչինչ չկա. ոմանք էլ իբրև կնոջից լսած, ասում են թե նա կորչելու նախընթաց երեկոյին շատ մտախոհ է եղել, ոչ ոքի հետ չի խոսացել, վաղ երեկոյից մինչև ուշ գիշերը, մինչև ժամի չորսը շարունակ գրել է, առանց ուղադրության առնելու կնոջ խնդրվածները՝ վեր կենալ և պառկել:
- Առավոտադեմ իբրև թե կնոջ քունը տանում է, մեկ էլ աչքերը բաց է անում և գտնում է ամուսինը կորած:

ԾԱՆՈԹԱԳՐՈՒԹՅՈՒՆՆԵՐ

1. Որովհետև անցյալում փոստային առաքումները Տիֆլիսից Պետերբուրգ էին հասնում շուրջ ռասն օրում, հետևաբար Պ. Պոռշյանի սույն նամակը գրված պետք է լինի 1904 թ. փետրվարի 10-ից ոչ առաջ:

2. Նույն մարտի 2-ին Խորհուրդն ստանում և քննում է նաև Շուշանիկ Պոռշյանի ստորև բերվող դիմումը (պահվում է հոր նամակին կից, թ. 6ա-բ) և որոշում է տալ 50 ռուբ. ճանապարհատախս, ամառը տուն գնալու համար, նաև իրավունք վերապահելով՝ թոշակից օգտվելու սեպտեմբերից սկսած և այն դեպքում միայն, եթե ընդունվի բժշկական ինստիտուտ, մի բան, որ հետապնդում անկարելի է լինում:

ՊԵՏԵՐՈՒՐԳԻ ՀԱՅՈՑ ԵԿԵՂԵՑԱԿԱՆ ԽՈՐՀՐԴԻՆ

Խոնարհարար խնդիր

Վոնգլ-Վիդիրսկու ատամնարուժական դպրոցի
առաջին բաժանման ուսանողուհի

Շուշանիկ Պոռոջյանից

Դեկտեմբեր ամսի (1903 թ.) վերջին նիստին հարգո եկեղեցական խորհուրդը վճռեց ինձ, իբր աշակերտուհու Վոնգլ-Վիդիրսկու դպրոցի, հասցեն 200 ուսման վարձ և 25 ուսման թոշակ ապրուստի համար։ Ներկա հունվարի 1904 թ. ես խնդիր տվի հարգո խորհուրդի ի կատար անել դեկտեմբերի վճիռը, խոստանալով մնալ վերոհիշյալ դպրոցում մինչև ուսմանս լիակատար ավարտելը։ Խորհուրդի իրենից անկախ պատճառներով չկարողացավ հասցնել ինձ իմ հասանելի թոշակ և ուսման վարձը։ Ավելորդ համարելով այստեղ անցկացնել երեք մնացած ամիսները, ես խոնարհարար խնդրում եմ եկեղեցական հարգո խորհուրդի, միշտ տալ վերադառնալ հայրենիք՝ Տփլիս, հասցնելով 50 ուսման պարհաժախս և կարևոր ծախսերիս, հաշվելով այդ հունվար և փետրվար ամիսների թոշակը։ Եթե հարգո խորհուրդը մինչև անգամ այս կիսամյակի ուսման վճարս ցանկանա տալ, և ես նորից ատամնարուժական դպրոց կարողություն ունենամ հաճախելու, դա եկեղեցու համար ավելորդ ծախս պետք է լինի, որովհետև աշնան միևնույն դասընթացը նորից պետք է սկսեմ։

Չկամենալով ավելորդ ծանրություն բառնալ խորհուրդի գանձի վերա և միևնույն ժամանակ նպատակիս հասած լինել, ես խոնարհարար խնդրում եմ ինձ իրավունք տալ աշունքին բժշկական ինստիտուտ մտնել և թոշակս պահպանել։ Իսկ եթե ինձ չհաշտվեց մտնել ինստիտուտ եռ կամ ամ ատամնարուժական դպրոցում և տված խոսքիս հաստատ մնալով, կա՛վարտեմ ուսումս այդ դպրոցում։

Թույլ չտալով մինչ աշունք ինձ նշանակած թոշակիցս օգտվելու, ես խոնարհարար խնդրում եմ հարգո խորհուրդից շնորհել ինձ նշանակել նաև վերադարձիս համար ճանապարհաժախս, քանի որ ես միշտցեններից բոլորովին զուրկ եմ։

Պետերբուրգ

ՇՈՒՇԱՆԻԿ ՊՈՒՇԵՅԱՆՑ

1904 թ. մարտի 2-ին

3. Պ. Պոռոջյանի կինը՝ Աննա Դուլյանը, մոր (Շուշան) կողմից Սայաթ-Նովայի ժառանգներից էր և ծնվել էր Ղալարում, 1853 թվականին։

4. Թե Նիկողայոս Ադոնցը ի՞նչ է գրել և ինչպես պատճառաբանել, հայտնի չէ։

5. Պ. Պոռոջյանը վախճանվել է 1907 թ. նոյեմբերի 23-ին, Բաքվում։

6. Հրատարակվող հատվածները Արովյանի առաջին կենսագիրներից մեկին՝ Ներսես Տեր Կարապետյանին Պերճ Պոռոջյանի հղած ընդարձակ նամակից են, որի ամբողջական բնագիրը մեղ մատչելի չի եղել։ Թեպետ գրավոր և կարող անձանց միշտով երկիցս դիմել ենք Ն. Տեր Կարապետյանի՝ Բաքվում բնակվող ժառանգներին՝ Պոռոջյանի նամակն ստանալու կամ նրա հետագա բախտի մասին որե՛ք բան իմանալու հույսով, սակայն արդյունքի չենք հասել։ Գիտենք այնքան, որ նամակը գրված է եղել 1893 թ. աշնանը, կամ 1894 թ. առաջին ամիսներին, և հասցեատիրոջ ասելով՝ «Հարգելի վիպագիրը ուրախություն հայտնելով», որ նա ճամարանական ավարտական շարադրության նյութ է ընտրել «Խաչատուր Արովյան և նրա «Վերք Հայաստանին», հաղորդել է Արովյանի մասին «յուր իմացած տեղեկություններն» (տե՛ս Ն. Տեր Կարապետյան, Խաչատուր Արովյան, Տփլիս, 1897, էջ Ա)։

МАТЕРИАЛЫ К БИОГРАФИИ П. ПРОШЯНА

П. О. АКОПЯН

Доктор филологических наук

Резюме

Эпистолярное наследие Прошяна до настоящего времени полностью не опубликовано. Исследователям было известно более 30-ти писем. В настоящее время впервые издается 6 писем писателя, характеризующие его как собирателя древних памятников материальной культуры армян. Письма свидетельствуют о трудностях, перенесенных автором.

Впервые публикуется телеграмма, извещающая о кончине писателя.

Наконец, с помощью опубликованных материалов, частично восстанавливается важное письмо Прошяна, содержащее отрывки из воспоминаний об Абовяне.